


## Hringbrautarverkefnið staða framkvæmda og fréttir af verkefninu

- **Skýrsla McKinsey um framtíðarþjónustu Landspítala** kynnt í desember
- **Uppsteypa meðferðarkjarnans – fyrstu loftaplötur** kjallara steyptar um mánaðamótin
- **Framkvæmdasviðið með mörg járn í eldinum**
- **Eldhúsverkefnið mikilvægur þáttur í uppbyggingu við Hringbraut**
- **Jarðvinna gengur vel vegna byggingar á rannsóknahúsi**  
- áætluð verklok eru vorið 2022

# Skýrsla McKinsey um framtíðarþjónustu Landspítala kynnt í desember

Skýrsla um framtíðarþjónustu Landspítala við Hringbraut, sem unnin er af alþjóðlega ráðgjafarfyrirtækið McKinsey, verður kynnt í desember. Skýrslan er unnin að beiðni Svandísar Svavarssdóttur, heilbrigðisráðherra, og segir hún að þessi kortlagning á framtíðarþjónustu Landspítala sé mikilvæg til þess að þjóðarsjúkrahúsið geti sem best sinnt sínu hlutverki.


## Uppsteypa meðferðarkjarnans – fyrstu loftaplötur kjallara steyptar um mánaðamótin



Yfirlitsmynd úr grunninum



Fyrstu loftaplötur yfir kjallara verða steyptar um næstu mánaðamót



Undirbúningur að plötusteypu

Aðalverktaki uppsteypuverksins er Eykt hf. og helstu verkþættir sem nú eru í gangi við uppsteypuna eru áframhaldandi vinna við mótauppslátt, járnabendingu, jarðskaut, fyllingar og lagnir í grunni.

Vinna við undirstöður og botnplötur í neðri kjallara er langt komin og áætlað að henni ljúki í byrjun næsta árs. Samhliða er vinna við jarðskaut, fyllingar og lagnir í grunni í fullum gangi.

„Vinna við kjallaraveggi heldur áfram og einnig vinna við súlur. Utanhússfrágangur kjallaraveggja hefst fljótegla sem og fyllingar að þessum veggjum. Vinna við fyrstu loftaplötur yfir neðri kjallara er hafin og áætlað að fyrsti hluti plötunnar verði steyptur í lok nóvember. Strax í framhaldi af því hefst vinna við uppsteypu veggja og súlna efri kjallara“, segir Eysteinn Einarsson staðarverkfræðingur hjá NLSH.

## Horft yfir framkvæmdasvæðið

Með því að skoða myndband sem tekið er úr dróna sést hversu umfangsmikið framkvæmdasvæðið er:

<https://www.youtube.com/watch?v=XGJ-3tzfyfw>



## Fjölmörg járn í eldinum hjá framkvæmdasviði



Útveggjakerfi meðferðarkjarna er umfangsmikið

Stærsta verkefni framkvæmdasviðs NLSH á árinu hefur verið uppsteypa nýs meðferðakjarna.

„Það mun einnig verða lang stærsta verkefni sviðsins á næsta ári og áætluð verklok þessa risavaxna uppsteypuverkefnis er í nóvember 2023“, segir Ásbjörn Jónsson, sviðsstjóri framkvæmdasviðs, sem fer bæði með umsjón með verksamningi og byggingastjórn en verkeftirlit er í höndum EFLU verkfræðistofu.

Útveggir nýs meðferðakjarna eru byggðir upp að langmestu leyti sem svokallað „Unitized Wall System“.

En það er heildstætt útveggjakerfi sem boðið er út til hönnunar, framleiðslu og uppsetningar. Er um mjög stórt útboð að ræða og áætlað er að niðurstöður útboðs liggi fyrir um mitt næsta ár.



Horft á kjallara 2, fyllingar eru nýttar úr grunnberginu

## Eldhúsverkefnið mikilvægur þáttur í uppbyggingu við Hringbraut




Mikilvægt er að samræma þjónustu í nýjum og eldri byggingum

Unnið að heildarskipulagi á húsnæði Landspítala og við undirbúning stoðbygginga á Hringbrautarlóð en nokkur þróunarverkefni eru í gangi.

„Vinna við forathugun fyrir eldhús spítalans er í gangi og stefnt að því að henni ljúki í febrúar á næsta ári. Danskir ráðgjafar BKD vinna með NLSH að undirbúnungi breytinga á starfsemi eldhússins. Verkefnið er unnið í nánu samstarfi við starfsmenn LSH en nú er verið að meta forsendur og þarfir spítalans til framtíðar er varðar alla matarþjónustu. Horfa verður til kerfis þar sem mannauð, sjúklingum og starfsmönnun, sem eru innan nýrra og eldri bygginga er þjónað. BKD hefur mikla reynslu af sambærilegum verkefnum úr dönskum spítalaverkefnum“, segir Helgi Ingason verkefnastjóri á þróunarsviði NLSH.

Þá segir Helgi að vinna við heildarskipulag húsnæðis spítalans haldi áfram og stefnt sé að því að gera úttekt á sveigjanleika og ástandi húsnæðis spítalans og vinna við að móta það ferli sé langt komin, en þar er stuðst við norska aðferðafræði.

## Jarðvinna gengur vel vegna byggingar á rannsóknahúsi -áætluð verklok eru vorið 2022



Verið er að klára uppgröft á lausu jarðefni á framkvæmdasvæði við rannsóknahús, vestan við Læknagarð.

Stefnt er að verklokum vorið 2022


Háfell ehf. er jarðvinnuverktaki vegna rannsóknahússins og gengur jarðvinnan vel segir Bergþóra Smáradóttur verkefnastjóri hjá NLSH.

„Jarðvinna vegna rannsóknahússins er í fullum gangi og hefur sú vinna gengið vel. Enn er unnið að uppgreftri á lausu jarðefni og mun sú vinna standa yfir á næstunni.

Undirbúningsvinna hjá NLSH ohf. og Háfell ehf. vegna sprenginga er hafin, en áætlað er að þær hefjist innan tíðar“, segir Bergþóra.

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644 [stefanhh@landspitali.is](mailto:stefanhh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)